

scire veritatem, ut liberiùs peccet, non excusat, nec allevat peccatum, quin potiùs gravat, C. Qui ea, dist. 38. Deut. 24. 4. Regum 4. Ezech. 18. cap. vnd so viel zum eingange.

Der dritte Theil von abtheilung des Brodtkauffs.

Zum ersten/ wann das Probbacken angestellet vnd richtig vollführet/ muß vor allen dingen der Werth/ dafür ein Scheffel Korn eingekauft/ oder die anzahl Geldes/ so die zeit die Früchte gelten/ in Wardierung vnd abtheilung des Brodtkauffs in acht genommen/ vnd mit allem fleiß angemerket werden.

2. Zum andern/ nach dem nach abzug der gehörlichen Meh/ die Früchte trewlich vnd fleissig abgemahlen/ das Mehl nach absichtung der gehörlichen Kleyen zu Brodt gemacht/ nach abbackung die stück Brodt gezehlet vnd gewogen/ die Kley auch gemessen/ muß die gewicht vnd maß in specie ebenmessig ad notam genommen werden.

3. Zum dritten/ muß man den Werth/ so aus solchem geback/ vnd den zugehörlichen Kleyen gebracht/ vnd gelöst worden/ dargegen auch das Geld/ so der zeit solche verbackene Früchte gelten/ benebens den Unkosten/ so einem Becker für seine mühe vnd Kosten/ der billigkeit wegen hiervon zu geben/ alles miteinander

M ij

der